

佛說八大菩薩經

宋西天三藏朝散大夫試光

祿卿明教大師法賢奉 詔譯



南無本師釋迦牟尼佛


說明

本繁體校正版《佛說八大菩薩經》電子書，根據《乾隆大藏經》宋元入藏諸大小乘經，第 0992 部，宋西天三藏朝散大夫試光祿卿明教大師法賢奉詔譯《佛說八大菩薩經》原藏影印本校正，句讀僅供參考。

本電子書是免費結緣品。特此說明。

仁慧草堂

二〇一九年八月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

佛說八大菩薩經

宋西天三藏朝散大夫試光

祿卿明教大師法賢奉 詔譯¹

如是我聞：

一時，佛在舍衛國·祇樹·給孤獨園，與大苾芻眾千二百五十人俱。

復有八大菩薩摩訶薩，其名曰：妙吉祥菩薩摩訶薩、聖觀自在菩薩摩訶薩、慈氏菩薩摩訶薩、虛空藏菩薩摩訶薩、普賢菩薩摩訶薩、金剛手菩薩摩訶薩、除蓋障菩薩摩訶薩、地藏菩薩摩訶薩，以為上首。

復有諸大菩薩摩訶薩，其名曰：

無能勝菩薩摩訶薩、龍相菩薩摩訶薩、喜意菩薩摩訶薩、無垢藏菩薩摩訶薩、無垢稱菩薩摩訶薩、智王菩薩摩訶薩、無邊軍菩薩摩訶薩、智光菩薩摩訶薩、慧光菩薩摩訶薩、慧燈菩薩摩訶薩、智燈菩薩摩訶薩、梵授菩薩摩訶薩、天冠菩薩摩訶薩。如是等諸大菩薩，皆來會坐。

爾時，世尊告舍利弗：「汝今諦聽！過東方

¹ 大正藏：西天譯經三藏朝散大夫試光祿卿明教大師臣法賢奉 詔譯

恒河沙數世界，有一佛刹名無能勝，彼土有佛，名善精進吉祥如來、應、正等覺，現為眾生說微妙法。

「復次，舍利弗，又過東方十恒河沙世界，有一佛刹名曰無我，彼土有佛，號普照如來、應供、正等覺，現為眾生說微妙法。

「復次，舍利弗，又過東方三恒河沙數世界，有一佛刹名曰善愛，彼土有佛，號吉祥如來、應²、正等覺，現為眾生說微妙法。

「復次，舍利弗，又過東方三十四恒河沙世界，有一佛刹名寂靜藏，彼土有佛，號印捺囉計都³特疇惹王如來、應⁴、正等覺，現為眾生說微妙法。

「復次，舍利弗，又過東方五恒河沙世界，有一佛刹名曰離塵，彼土有佛，號喜功德光自在王如來、應⁵、正等覺，現為眾生說微妙法。」

佛告舍利弗：「若有善男子、善女人等，於此經中，聞是諸佛如來名號，一心諦聽，或自憶念，或書寫、讀誦、為他解說，彼人命終不墮惡趣，不生邊地、邪見、諸惡律儀、下賤族中，亦

² 大正藏：應供；永樂北藏及龍藏：應

³ 大正藏：觀；永樂北藏及龍藏：都

⁴ 大正藏：應供；永樂北藏及龍藏：應

⁵ 大正藏：應供；永樂北藏及龍藏：應

不生於長壽天中，亦不生於五濁惡世、飢饉、疾病、刀兵劫中，亦無王難、水難、火難、賊盜、虎狼等難。常生佛刹及天上人間，身相端嚴，諸根具足，眷屬圓滿，得宿命智，具六波羅蜜，行四無量法，通達一切甚深法藏，成最上道。」

佛說此經已，諸大菩薩、舍利弗及諸苾芻、天、人、阿修羅等，聞佛所說，皆大歡喜，信受奉行。

佛說八大菩薩經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫
迦囉嚩吽

(以下合掌三稱)

南無東方無能勝世界善精進吉祥如來

南無東方無我世界普照如來

南無東方善愛世界吉祥如來

南無東方寂靜藏世界印捺囉計都特嚩惹

王如來

南無東方離塵世界喜功德光自在王如來

南無妙吉祥菩薩摩訶薩

南無聖觀自在菩薩摩訶薩

南無慈氏菩薩摩訶薩

南無虛空藏菩薩摩訶薩

南無普賢菩薩摩訶薩

南無金剛手菩薩摩訶薩

南無除蓋障菩薩摩訶薩

南無地藏菩薩摩訶薩

禮佛發願文

(一編)

歸命十方調御師 演揚清淨微妙法

三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。

著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉痾；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之

汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛。一切菩薩摩訶薩。摩訶般若波羅蜜。

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；
自皈依僧，當願眾生，統理大眾，一切無礙。和南聖眾。

南无护法韦驮尊天菩萨



此咒置經書中可滅誤跨之罪